

EXERCITATIO PHILOLOGICO-
MEDICA.

DE

INCUBATIONE
IN FANIS DEORUM MEDICINÆ
CAUSA OLIM FACTA,

Q V A M
DEO AVSPICE,

P R A E S I D E

Viro Amplissimo Clarissimoq̃

HERMANNO CONRINGIO

Philos. & Med. D. hujusq̃ue & Politices P. P.

S. Reg. Majest. Suecicae, ut & Illustriss.

Ostfries. Principis Consiliario

Intimo &c.

*Fautore & Patrono suo perpetim colendo
publico examini subjecit*

HENRICUS MEIBOMIUS

Lubecensis

Ad diem Augusti.



HELMESTADI

Typis HENNINGI MÜLLERI. Acad. Typ.

ANNO MDCLIX.

2.

8

EXERCITATIO PHILOLOGICA
MEDICA
D. D.

INCVBATIONE
INFANTIS DEORUM MEDICINAM
CAUSA OLIM FACTA

Q. N. M. M.
DEO AVSPICE

P. R. A. S. I. E. R.
Vno theologo Christiano
HERMANNO CONNINGIO
Philos. & Med. D. huiusque de Philo-
s. Reg. Maest. Sacre, et y. huius
Offic. Principis Christiano
huiusque

Patrono & Patrono suo respectu habendo
testis eximius habuit

HENRICUS MEIBOMIUS
Lupesculis

Act. dnm



HERMANNI
TYP. HENNINGI MULLER. 1744
Amst. ex. 1744

VIRO CLARISSIMO ET EXCEL-
LENTISSIMO

VALENTINO HENRICO VOGLERO
Phil. & Med. D. hujusque in Illustri Juliâ
P.P. Præceptori & fautori suo multis nomini-
bus perpetim colendo,

Non est interdictum aut à rerum na-
tura, aut à lege aliquâ atq; more,
ut singulis hominibus ne amplius
quam singulas artes nosse liceat, in-
quit præclare Cicero: quin potius
ne in doctorum quidem censu habendi
sunt, qui non omnibus his artibus, quæ li-
bero homine dignæ, expoliti. Ut cætera
non tangam, de literis nunc sermo nobis &
philologiâ. Illa enim veræ eruditionis sal-
est, quâ nisi conditur, exit in putredinem.
Sunt verò oppido quam pauci, quibus ho-
diè hæc studia ad palatum. Quidam unius
tantum doctrinæ cancellis se circumscri-
bunt

bunt, ubi sub tam lentis maxillis mandunt, &, ut cum Comico loquar, lolio vitentant tam vili tritico. Alij, his deteriores, ut sunt ἀφιλόλογοι, etiam videri volunt, summumque pretium putant nominis, nihil attigisse liberalioris eruditionis. Et hi sunt, qui tanquam supervacua irrident, nec tractari a quoquam citra neglectum necessariorum posse autumant. Ultimi denique homines βάνανσοι & è facie Romuli has literas aspernantur, quod nihil faciant ἀγέλα ἀλφίλα: & id quidem hodie plerorumque intercalare carmen est. Verum hi liberales artes tractant tanquam quæsturias, digna, ita me Musæ ament, ingenia, quæ in sellulariorum officinis consenescant. Prima autem hujus contemptus causa est ignorantia, dum, quæ juvenes non didicere, senes fatagunt contemnere. Pulchrè Sidonius! *Naturali vitio fixum radicatumq; est pectoribus humanis, ut qui non intelligunt artes, non mirentur artifices.* In juventute autem multi hæc negligunt ob ingenij sterilitatem, plures ob labor

laboris fugam, plurimi ob voluptatis desiderium. Et hi deinde, quod ipsi non sunt assecuti, alijs *ὧν κῶων Ἰν. φάρμ*, invident. Dumque ex suo ingenio omnes æstimant, immorari nos his tricis cum jacturâ seniorum dicunt. Verum non obstant hæ disciplinæ per eas euntibus, sed circa eas hærentibus. Et immoramur nos quidem illis, sed non immorimur, & quotidie his initijs nos ad majora præparamus. Sicut subducto in portum navigio licet cochleolam in littore colligere aut bulbum, hac tamen lege, ne vocantem interim nauclerum negligas, & navis, te relicto, abeat: ita etiam licebit in philologorum littore flosculum aliquem decerpere vel gemmam, dummodo id fiat sine seniorum intermissione. Laudato patrifamilias satis non est eo tecto tegi, quod cœli tantum defendat injurias, sed etiam quod visum & oculos delectet: Non placet nitidioribus ea suppellex; quæ necessarijs usibus tantum sufficit, sed in cuius apparatu sit & aurum & gemma, & quod sumere:

sumere in manus atque aspicere sæpius liceat. Illi quidem (neque enim diffitendum est, qui solis litteris sua studia metiuntur, nesciunt, quid fructus floribus præstent, & aliquando pro Junone nubem, Ixionis instar, amplexabuntur. Nobis longè alia mens, & placet Atheniensium propositum apud Thucididem: φιλολογεῖμένης μὲν εὐτελείας καὶ φιλοσοφεῖμεν ἀνευ μαλακίας.

Te hic appello, Vir Clarissime, (coram competente enim iudice, id est, harum litterarum perito hæc res agi debet) Te, inquam, appello, & quæ à vulgo doctorum sine pastoritiâ fistulâ & ludibrio non abeunt, ad cognitionem Tuam defero & censuram. Scio quidem graviora Te nunc detinere studia: sed jucundum interdum videtur, principibus quoque viris, à salsaribus epulis venire ad rusticorum cænulam. Nec idcirco minor est summus Deorum Jupiter, si aliquando vel Arcadiæ tuguriola vel Baucidos intravit tabernaculum. Erit fortassis tempus, si DEVS vitam prorogaverit, ubi
gravio-

graviora grandioraque dabimus, nunc tenui farre & molâ salsa cogimur litare. Non erit verò facile quisquam, quem hic arbitrum eligere vel rectius possim vel potius velim. Tu enim ille es, qui studia mea, si quisquam, æstimare novit: ego is, cui Tuo sapere consilio contigit: expecto igitur censuram ab acri judicio Tuo, non ab affectu, quem erga me longe tenerrimum esse scio, profectam. Quod si Tibi placuerit hæc exercitatio, genium habere judicabo, & morus sim, si morer illos è plebeiâ cavea plausus. Sin minus, & Tibi quoque displicuerit, jubebo deferri

— — — *in vicum vendentem thus & odores*

Et piper, & quicquid chartis amicitur ineptis.

Id interim hic profiteor, nihil me alienum in armum sustulisse, nec fecisse ab alijs versuram, quia in hoc argumento præivit nemo. Quod si quis conatum hunc nostrum ob materiæ tenuitatem damnaverit, do quidem illi in hac ætate manus, sed noverit, studium nostrum sine Te, sine Cagnatis,
Dona

Donatis, Juniis, Mercurialibus, Reinesis,
Hofmannis, qui ex illo mustaceo laureolam
quæsiuerunt, non posse damnari. Quorum
tanta apud me & tam sancta est auctoritas,
ut errare cum illis, quam sapere cum cate-
ris malim. Vale, Vir Clarissime, & me,
quod facis, amare perge. Dabam ex museo
meo, in Acad. Julia. Pridie Non. Augusti
Anno æræ Christ. MDCCLIX.

πολυπαλαιομαθούνης Τηα cul-
tor perpetuus

HENRICUS MEIBOMIUS

Σύν. Γεω. 511

T H E S I S. I.

Non esse quicquam omnium, quod possit in primordio sui perfici: Sed in omnibus ferme ante spei rudimentum, quam rei experimentum esse, prudens *Apuleii* effatum est in *Florid.* Ipse usus meditando primum artes ex-tudit, quas dein diligentia sequentium per-fecit, sed ita perfecit, ut & nobis *ἡ τῶς μετῴμεθεν* semper relictum sit, in quo ingenij vires liceat experiri. Nimi-rum tardè magna proveniunt, nec simul sacra sua tradit *Natura*: nec unquam iidem, artem qui condunt, absol-vunt. Ipse orbis in promptu est, cultior indies & instructior pri-stino, quod jam suo tempore fassus est *Tertullianus* l. de a-nim. incif. 30. Quod verò non ibi stiterit doctrina, sed la-tius-latiusque sese explicuerit, res ipsa docet, & jam ante *Tertullianum*, quasi ex oraculo, prædixit *Seneca* Nat. quæst. l. 7. cap. 25. Veniet, inquit, tempus, quo ista, qua nunc latent, in lucem dies extrahat, & longioris ævi diligentia. Fruitur c-nim ætas nostra beneficio præcedentis, & plura novit, non tam suo præcedens ingenio, quam viribus innitens alienis, & opulentâ antecessorum doctrina. Id quod jam tum eleganter observavit summus *Philosophus* c. ult. libb. de sophist. elench.

II. Quæ omnia huic fini dicta & sapientum testi-monijis confirmata sunt, ne quis solam medicinam sive

A

fato

fato quodam, si venoſcantis naturæ injuriâ tenuibus
 ortam initijs credat. - Commune hoc omnium artium,
 quæ maximè nascentes rudes sunt, sed in processu subti-
 litas earum crescit. Fuit sanè tempus, cum adhuc ars
 nostra ἐν γάλαξιν καὶ σπυργάνοις tenuem duceret spiritum;
 fuit, cum quidvis potius quam Medicina esset, vanis qui-
 busdam superstitionibus & καταβαυκαλισμοῖς, definita. Ele-
 ganter Seneca. Epist. 95. *Medicina quondam paucarum fuit sci-
 entia herbarum, quibus sisteretur fluens sanguis, vulnera coirent
 paulatim.* Et has illi operas non tam arte quadam, quam
 ipsa quasi naturâ duce exercebant. *Illud*, verba sunt *Quin-
 tiliiani* l. 2. orat. in st. cap. 17, *admonere satis est, omnia quæ ars
 consummaverit, à natura initia duxisse: aut tollatur medicina,
 quæ ex observatione salubrium atque his contrariorum reperta
 est: & ut quibusdam placet, tot constat experimentis.* Nam &
*vulnus deligavit aliquis, antequam hæc ars fuit: & febrem quie-
 re & abstinentia, non quia rationem videbat, sed quia valetudo
 ipsa coëgerat, mitigavit.* Non tunc solerti cogitatione pro-
 bata per experientiam medicamenta certo loco certoque
 tempore adhibebantur, sed quocunque per similes dissi-
 milesque casus observatio duceret, morborum id mederi
 incurſibus credebant. Adeoque non sanabat tunc me-
 dicina, sed quicquid videbatur sanasse, erat medicina.

III. Dudum vero est, quando ingenia quædam ἐν
 Φυσιολογίᾳ nānias illas ἐς sacrario suo ad nutricum cunas eli-
 minare, rectè vero inventa perficere sategerunt: & ex eo
 tempore immane quantum divina ars auxit. Eoque in-
 tensior diligentia quisque huic studio coëpit incumbere,
 quo carior, sua cuique sanitas μεθ' ἧς τίθλε πάντα καὶ λάμ-
 πει χαρίτων ἕαρ ut ait Aristo Sicyonius apud *Philologum Nau-
 cratitem* dipnosoph. lib. ult. & nisi carenti doloribus morbiſ-
 que, vita ipsa præna sit, ut loquitur *Plinius*, l. 28. c. 1.

IV. Quo

IV. Quo feliciora verò nostra nunc sunt tempora in quæ incidimus, eo suavius fuerit, speculari præteriti temporis caliginem. Et si virorum illustrium ipsa propemodum crepundia & infantiam nescio quâ voluptate cognoscere satagimus, quanto magis ipsius artis nostræ, quam suspicimus & admiramur, delectabunt incunabula? Nec tamen operæ fortassis est pretium, omnia illa huc cumulare, quæ de origine & progressu artis nostræ utiliter alibi dicuntur.

V. Id tamen haud videtur prætereundum (quam facilius inter horologia, quam inter scriptores de primo auctore Medicinæ conveniet) originem divinam Medicinæ ab omnibus assignari. Hinc τὰς θεογονίας σωμάτων γινόμενας τῆς ἀγᾶθης προνοίας τῶν θεῶν εἶναι scribit *Salustius* Philosophus l. de dijs & mundo. cap. 9. *Lucianus* in Abdicato ἰατρικὴν vocat πρᾶγμα ἰσχυρὸν καὶ θεῶν παιδευμα καὶ ἀνθρώπων σοφῶν ἐπιήδευμα. Et *Julianus Imp. in Epist. Græc. Varior.* ita inquit: τὴν ἰατρικὴν ἐπιστήμην σωτηριώδη τοῖς ἀνθρώποις τυγχάνειν τοῖς ἐν γὰρ τῆς χρείας μαρτυρεῖ. Διὸ καὶ ταύτην ἐξ ἑργῶν πεφοιηκέναι δικαίως φιλοσόφων παῖδες κηρύττουν.

VI. *Proclus* in *Timæum* p. 49. lib. 1. Minervæ munus esse docet, unde & Minervæ epitheton ὕγεια est. Vide *Suidam* in v. ὕγεια Ἀθηνα. Sed & Romæ MINERVÆ MEDICÆ fanum fuit. *Cicero* quoque lib. 2. de divinat. si, inquit, sine Medico medicinam dabit Minerva, Musa scribendi legendi cæterarumque artium scientiam somniantibus non dabit?

VII. *Plinius* lib. 29. cap. 1. disertè ad Deos in genere refert, quod etiam facit *Auctor lib. de vet. Medicina*, antiquus quidem, sed minime Hippocrates, potius (quod placet Amplissimo Præsidi) ex Acronis scholæ sectatoribus unus. Ne nunc de alijs quid dicam sive dijs, sive

decum filijs, quibus inventio hæc tribuitur. Id nimirum
Medicæ nostræ artis est,

Quod natum Phæbus docuit, quod Chiron Achillem,

Quod didicere olim Podalirius atque Machaon.

A genitore suo, qui quondam versus in anguem

Templa Palatina subijt sublimia Romæ. ceu canit ex ipsa
schola Medica Marcellus carmine de Medicina quod a
nonnullis perperam adscribitur Vindiciano. Cur vero
ita unanimi consensu id ipsum auctores tradant, elegan-
ter explicat Quintilianus senior declamat, 263, cujus pro-
inde verba merentur adscribi: *Medicina*, inquit, *auctores*
ante omnia accepimus Deos: sive (ut maximè reor) ut hac infirmi-
tas hominum haberet adjumenta aliqua, atque solatia, sive tan-
tum huic arti tribuere majores, ut eam vix crederent humanis
potuisse ingenijs inveniri: sive ipsa Medicina per se sacrum est.
Vide quæ notavit *νεβηκωλας Barthius* ad Rutilij itine-
rium.

IIX. His initijs eo deinde est deventum, ut ægrotos
Dei alienius sacello inferrent, & quam ibi curationem ad-
hibere in somnis à Deo monerentur, eam persequerentur.
Tantum non disertè id ipsum Plinius noster loco jam cit.
docet: *Dijs*, inquit, *primum inventores suos assignavit*, (me-
dica ars) *& cælo dicavit. Nec non & hodie multifariam ab*
ORACVLIS medicina petitur. Recurrebant vero illi homi-
nes ad oracula, vel quod certiolem à dijs medicinam ex-
spectarent, vel quod Medicis tum temporis destitueren-
tur. Notat posterius de Lacedæmonijs *Ælianus* l. 12. c.
50. Var. hist. *Εἰ δὲ πῶς ἐδεήθησαν τῆς ἐκ Μαιῶν ἐπιχειρίας, ἢ νοση-*
σαντες, ἢ παραφρονήσαντες, ἢ ἄλλοι τοιοῦτον δηροαία παθόντες, με-
τεπέμποντο ξένους ἄνδρας, οἷον ἰατροὺς ἢ καὶ πτόοχρηστον. Et
vero monitu oraculi Pythij Apollinis accersitum à Lacedæmo-

dæmonijis Thalëtem Cretensem ad sedandam pestem,
quæ civitas laborabat, auctor est *Pausanias in Atticis*.

IX. Cum primis autem, ut diximus, cum medicinæ
causa oraculum consulerent, faciebant incubando in sa-
cello alicujus Dei. Cujus rei vestigia non pauca in o-
mni antiquitate supersunt, quæ hoc tempore legere est
animus, ut quæ tum temporis Medicinæ facies fuerit, quid
de eâ sentiendum, imo quid ex ea Medicis sperandum, cla-
repareat.

X. Vocabant autem, ut à nomine incipiam, *incu-
bationem*, Græci ἐγκοιμῆσιν. Vnde apud *Strabonem* lib. xi.
p. 350. dicitur in urbe Navarca esse *μαντείον ἐγκοιμωμένων*,
oraculum incubantium. Vox autem *incubare* occurrit apud
Plautum in hoc significato in *Curcul.* act. i. sc. i. vers. 6. &
act. 2. sc. 2. v. 16, pro quo *recubare* dixerunt *Prudentius* in *Ha-
martigenia* & *Hieronymus* ad *Eustochium*, & *Tertullianus*
lib. de corona militis.

XI. Usurpatur autem hæc vox non tantum de eâ,
quæ Medicinæ ergo in templis fiebat, incubatione, sed
de alia etiam quavis, ut ex *Virgil.* vii. *Æneid.* vers. 37. pa-
tet, de nymphæ Albuncæ fano

— — — huc dona sacerdos

Cum tulit, & cesarum ovium sub nocte silenti

Pellibus incubuit stratis, somnosq; petivit,

Multa modis simulacra videt volitantia miris.

Et varias audiz voces, fruiturq; deorum

Colloquio.

In genere igitur omnes, qui à dijs aliquid peterē vole-
bant, in eorum, quorum ope indigebant, cubabant fanis,
tanquam responsum ab ijs vel vigilantes, vel potius per
somnia accepturi. *Servius Honoratus* ad illum divini Poëtæ
locum ita commentatur: *Incubare propria dicuntur, si quis*

dormiunt ad accipiendā responsa. Vnde est; ille incubat Jovi, id est, dormit in Capitolio, ut responsa possit accipere. Pseudo-Cornutus ad Persij Sat. 2. v. 56. *Acron* tradit, quod in porticu Apollinis Palatini fuerunt Danaïdum effigies, & contra eas sub divo toridem equestres filiorum Aegypti: ex iis autem statuis dicebantur per somnum dare oracula. Huc faciunt verba Lycophronis in Cassandra, ubi de monumento Podalirij agit:

Δορᾶς δὲ μύλων ἰμβρον ἐγκοιμώμενοις

Χρήσει καὶ ὕπνῳ πᾶσι νημερτῇ Φαίλῃ.

Et de Calchantis monumento *Strabo* lib. vi. pag. 196.

ἐναγίζουσι δὲ αὐτῷ μέλανα κελὸν οἱ μαντεύόμενοι, ἐγκοιμώμενοι ἐν ἰῷ ὄρματι. Illustis vero locus est *Ciceronis* lib. i. de divinat:

Atque etiam qui praeerant Lacedaemoniis, non contenti vigilantibus curis, in Pasiphae fano, quod est in agro propter urbem, somnianti causa incubabant, quia vera quietis oracula ducebant.

Vide de hac re ex principum Criticorum numero *Jo. Bapt. Pium* syllog. annot. poster. cap. 10. & *Brodaum* lib. 3. miscellan. cap. 31. quorum scrinia compilare, religio mihi est.

XII. Uti autem duo nobis docete proposuimus 1. medicinam petitam è fano deorum, idque 2. nocturna incubatione: ita removendæ nobis sunt non absimiles superstitiones. Quoad posterius separandæ hic sunt nocturnæ illæ incubationes, quas pervigilia dicebant, Græce πανυχισμός, solebantque honoris ergo Cereri, Iunoni, Baccho, Fortunæ, Priapo, Veneri, in ludis quoque secularibus &c. celebrati: in ijs enim nihil aliud erat, præter, ut Comici verbis utar,

Lucrum, ludum, jocum, festivitatem, ferias,

Pompam, penum, potationem, saturitatem, gaudium. Vide *Politian.* Miscel. cap. 58. *Lips. Elect.* lib. i. cap. 5. *Tiraquell.* ad *Alex. ab Alex.* lib. 6. c. 19. & *Elmenhorst.* ad *Arnob.* p. 167.

Qui

Qui mos ad Christianos quoque pervenit: unde celebra illa in primitivâ Ecclesiâ Paschæ & Pentecostes pervigilia. Vide *Didac. Covarruv.* Var. Resolut. l. 4. cap. 19. *Io. a. Chocier.* Fac. histor. cent. 2. c. 74. & 75. *Io. Vicecomis.* de ritib. baptism. lib. 1. cap. 24. & *Jo. Gerhard, Vossium.* comm. ad Epist. Plinij de Christianis p. 30.

XIII. Quoad prius, separanda est non multum ab-
similis veterum superstitio. Solebant enim, quoties de-
orum suorum templa adibant, bonæ scævæ gratia, inde
aliquid, sive id placentæ frustulum, sive unguentum foret,
sive frons virens, decerpere, asservareque id ipsum diligen-
ter, in certam spem ingressi, fore, ut hoc remedio contra
omnes morbos uti liceret. Inde & rei illi decerptæ no-
men *ύγία* inditum, ab effectu scilicet, quem ab eâ exspe-
ctabant. Auctor mihi Grammaticorum Græcorum fa-
cile doctissimus *Hesychius*: *ύγία, ἀλφίτα οἶνον καὶ ἑλαιὼν πικρὰ-
μένα, καὶ πᾶν ἐκ θεῶν φερόμενον, εἴτε μύρον, εἴτε θάλλοι.* hoc est:
*Sanitas: farina vino & oleo permixta, & quicquid ex Dei fano
fertur, sive unguentum, sive frons virens.* Nisi enim hanc ex-
plicationem admittas, non video, cur illa è fano delata
nomine *ύγίας* veniant.

XIV. Sed nos ad nostram revertamur incubatio-
nem, missis à materia nostra alienis. Observare vero e-
am licet tum apud veteres, tum recentiores. Ita Quar-
tilla apud *Petronium* (qui ipse Medicus fuit, siquidem fides
arbitranda *Volaterrano lib. 28. comm. urbanor.*) in Satyrico:
*Ipsa quidem illa nocte vexata tam periculoso inhorruì frigore, ut
Tertianæ etiam impetum timerem, & ideo medicinam somno pe-
tij, jussaque sum vos perquirere, atque impetum morbi monstrata
subtilitate lenire.* Cui nrox *Eucolpius*: *Si quod præterea aliud
remedium ad Tertianam Deus illi monstrasset, adjuvaturos nos
divinam providentiam vel periculo nostro.* Tempore *Adriani*
Imp.

Imp. mulier cæca in somnio monita est, ut Imperatoris
 genua oscularetur, quæ & illo remedio visum recepit:
 ceu narrat *AEl. Spartianus, in vitâ Adriani. p. 133.* Et Impe-
 rator *Antoninus Philosophus* lib. 1. εἰς ἐαυτὸν: *Diis, inquit,*
acceptum fero, quod per somnum tum alia remedia mihi sunt de-
monstrata, tum, ὡς μὴ πλῦεν ἄμα, καὶ μὴ ἱλιγγίαν. Et hinc ad
 ἐνεργμάτων quoque ineptias transijt. Neque enim alio
 fundamento nititur *Artemidori* illud, qui sub *Antonino*
Pio vixit lib. 1. ἐνεργεῖ. ἐν ἑσθῇ δὲ καθεύδειν, νοσῶντι ὑγίειαν
 παραγορεύει. Id quod jam tum doctissimo *VVouuereno* visum
 fuit in notis ad *Petrónium*.

XV. Ita constat ex historijs multas herbas ex ora-
 culo commendatas esse. De *Aristolochia* *Cicer.* lib. 1. de di-
 vinat. ita loquitur: *Quid scammonæ radix ad purgandum,*
quid Aristolochia ad morsus serpentum possit, quæ nomen ab in-
ventore reperit, rem ipsam inventor ex somnio: video quod satis
est, cur possit, nescio. In quo quidem loco valdè se mace-
 rarunt interpretes. Et doctissimus quidem *P. Victorius*
Var. lect. lib. 5. cap. 3. erratum hic in *Cicerone* esse sive
 ipsius, sive librariorum culpa judicat, vel herbam illam
 ab inventore suo accepisse nomen. In quo quidem
 nunc cum *Victorio* contentionis ferram non recipro-
 camus, non videtur tamen *Cicero* hæc absque aucto-
 redixisse, nec *Aristotelis*, si *Nicandro* fides, fere alia mens
 fuit, ceu jam pridem ostensum est viris doctis, *Turnebo* l. 5.
 adv. c. 20. *Brodeao*. l. 2. Misc. c. 2. *Guilh. Cantero*. *Novar. lect.*
 lib. 1. cap. 14. Quod vero deinde *Victorius* tradit, nusquam
 sibi lectum, utilitatem hanc *Aristolochia* ex somnio cognitam,
 adeoque hanc assertionem *Ciceronis* esse falsam, id non
 sequitur, cum fortassis ijs in libris, quæ injuria temporis
 intercederunt, fuerit annotatum. Omnino igitur existi-
 mo id velle *Ciceronem*: monstratum esse remedium hujus
 herbe

herba à dijs per somnium, & prodesse etiam, licet ratio
cur. profit, reddi nequeat.

XVI. Idem de herba cynorrhodo non obscure
traditur. Strictim *Plinius* lib. 8. cap. 41. *A morsu vero* (ca-
nis) *unicum remedium oraculo quodam nuper repertum, radix*
sylvestris rose, quæ cynorrhodos appellatur. Disertius idem lib.
25. cap. 3. *Quippe in repertis alias invenit casus, alias, ut ita*
dixerim, Deus. Insanabilis ad hosce annos fuit rabidi canis morsus,
pavorem aquæ omnisq; potus asserens odium. Nuper cujusdam
militantis in Prætorio mater vidit inquiete, ut radicem sylvestris
rose, quam cynorrhodon vocant, blanditam sibi aspectu pridie in
fruteto, mitteret filio bibendam. In Lusitania res gerebatur,
Hispania proxima parte: casusq; accidit, ut milite à morsu incipi-
ente à quas expavescere, superveniret epistola orantis, ut parceret
religioni: sanatusq; est ex insperato, & quisquis auxilium simile
tentavit.

XVII. Cum primis autem, quantum observare li-
cet, admodum celebris hic ritus apud Ægyptios, utpote
gentem superstitionisissimam, fuit. Notatum hoc jam
tum pluribus Amplissimo DN. *Præsidi* lib. de Hermet.
medic. cap. xi. p. 117. Hoc enim nomine tum *Isidis*, tum
Hori, tum *Serapidis* fana satis sunt passim decantata.

XIIX. De *Isidis* fano locus est illustris apud *Diod.*
Siculum lib. 1. biblioth. histor. cap. 25. quem proinde inte-
grum adscribam: *Isin*, inquit, *multa sanitati hominum pharma-*
ca invenisse, Ægyptij tradunt, utpote, quæ scientiæ Medicæ fue-
rit peritissima, adeoq; multa solerter excogitasse: quæ ob causam
nunc quoq; ad immortalitatem elata sanatione hominum maxime
gaudeat, & in somnis, si quis opem expetierit, manifestam numi-
ni præsentiam, promptamq; indigentibus benemerendi faculta-
tem exhibeat. Ad demonstrandum hæc non asserre se, ajunt,
Græcorum more, fabularum vanitatem, sed factorum eviden-

riam: nam totius prope orbis testimonio se niti; qui effusis deam
honoribus ob præsens in medicando numen, remunerentur. In
somnia enim adstantem agrotis remedia contra morbos subicere,
eig. morigerantes nec opinato convalescere. Multos etiam à
Medicis propter morbi difficultatem desperatos, ab hac salutem
accipere, plurimosq. oculis prorsus captos, aut alia corporis parte
mutilatos, si ad Dea huius opem confugerint, in pristini vigoris
integritatem restitui. Et mox pergit de ejus filio Horo: Ho-
rum, inquit, interpretantur Apollinem, qui medendi & varici-
nandi artem ab Iside matre edoctus oraculis & medicationibus
bene de mortalium genere meritus est. Et extant versus Tibulli,
ubi Isidem ita affatur lib. 1. eleg. 3.

Nunc Dea, nunc succurre mihi, nam posse mederi
Picta docet templis multa tabella tuis. quos versus
cum Isis navigantium præses fuerit, (uti discimus ex Ju-
venale Sat. 12. v. 28. Apulei. Metam. l. xi. pag. 414. Lucian.
dial. Iov. & Mercur. in f. & dial. Noti & Zeph. And. Sen-
sebio comm. de navibus Vet. pag. m. 123.) de naufrago-
rum suspensa in templis tabella interpretatur *Levinus Tor-*
rentius comm. ad Horat. lib. 1. od. 5. Nos vero, siue cum
Turnebo adv. l. 16. c. 4. ad utrumque Serapidis officium à
Poeta alludi dicimus: siue, cum *Mercuriale*, securi vim
votis *Mederi* de medicina interpretamur. Id enim satis
in propatulo est, Medicinæ quoque gratia Isidem cultam,
cui rei probandæ *Joh. Bapt. Casalius* lib. de vet. Egypt. rit.
c. 20. adducit nummum Claudij Imp. in quo Isis cum situ-
la & sistro inscribitur SALVS. AVG. & hinc sinistra
herbam gerit Isis, dextra navigium, ceu patet ex effigie
quam tractatui suo de imaginibus Deorum Antiquorum
Italice edito inseruit *Vincentius Cartari* p. m. Romæ autem
Isidis templum fuit inter Sixtum & thermas Antoninia-
nas ad

nas ad caput viæ novæ, hodieque S. Nerei vocatur, ut scribit *G. Fabricius* in Roma p. m. 99.

XIX. Non in minori olim fama fuit templum Serapidis, quem dedita superstitionibus gens ante alios colit, ut loquitur *Tacitus* de Ægyptijs, ubi supplices ægroti de morborum remedijs per insomnia commoniti. De Canopo insulâ *Strabo* l. xvii. p. 55. ἔχουσιν τὸ ἑ Σερραπίδος ἱερὸν πολλῇ ἀγασίᾳ λιμῶμενοι, καὶ θεραπείας ἐκφέρειν, ὥστε καὶ τοῖς ἐλλογιμωτάτοις ἀνδράς πιστεύειν, καὶ ἐγκοιμᾶσθαι αὐτοῖς ὑπὲρ ἐαυτῶν ἢ ἐτέρων. Συγχεάφουσι, δέ τινες τὰς θεραπείας. Et noti sunt duo illi Alexandrini, alter manu, sive, ut alij volunt, crure æger, cæcus alter, qui per quietem à Serapide moniti sunt, ut remedium suæ valetudinis à *Vespasiano* principe expectarent. *Sueton.* in vit. *Vespasian.* c. 7. E plebe quidam luminibus orbat, isem alius debili crure sedentem pro tribunali pariter adie-runt, orantes opem valetudinis, demonstratam à Serapide per quietem: restitutum oculos, si inspuisset: confirmatum crus, si dignaretur calce contingere. Referunt historiam *Xiphilinus*, quoque *Epit. Dion.* p. m. 318. *Ioh. Sarisber.* de nug. curial. l. 2. c. 10. alijque: Sed fusissimè & graviter admodum *Tacitus* hist. l. 4. c. 81. Quam tamen fraude non caruisse, aperte profitemur. Cum primis autem Alexandria illa fano Serapidis & incubatione maxime fuit famosa, uti conjicere est ex *Cicer.* 2. de divin. *Artemidor.* l. 3. oneirocrit. c. 92. *Ennapius* in vita *Ædesij Mich.* *Glyca* Annal. part. 4. p. 358.

XX. Et Serapidis quidem medicinæ meminit quoque *Varro* in Eumenidibus, sed is locus ita est corruptus, ut ipse merito Serapidis indigere medicina videatur. Verba autem ejus apud *Non. Marcell.* c. 17. n. 104. ita habent: Ego medicina Serapi uzor, quotidie precantor. Intellego recte scriptum esse Delphis, itheon era.

Item: Hospes quid miras animo curare Serapim:

Quid? quasi non curet tantidem Aristoteles.

Aut ambos mira, aut noli mirare de eodem.

Et Petrus quidem Victorius Var. lect. l. 25. c. xi. ita legit: *animo*, Serapidisque medicinam ait, esse, animo curare atque oratione. Ab hoc non multum abit Ivo Villiomarus (sive sit Ios, Scaliger, vir certe *νεφελώτατος*) animadv. in loc. controuv. Rob. Titij l. 9. c. 12. & retenta dictione *animo* conjicit in Serapidis fano adscripta fuisse illa verba: *Quotidie precantor*, adeoque non aliam Serapidis fuisse medicinam, quam quæ homines cultui deorum & pietati adfuescere institueret: id ipsum verò ex philosophiâ quoque Aristotelis expectari posse, carmen illud innuere: & alludi forte ad librum Aristotelis περὶ εὐχῆς, cujus meminit Diogenes Laertius. Alij vero, quibus facem præluxit Gallix suæ lumen Turnebus l. 4. adv. c. 8. pro *animo* legunt *nummo*, & docere inde volunt, primum Serapidem artem pretio exercuisse, quæ antea gratuita erat. Sed nondum nobis, quod pace tantorum virorum dixerim, videntur satisfacere. Et Ivo quidem Victorijq. sententia jam tum *δαμνίσω* nostro Hofmanno lib. 4. Var. c. 42 fuit suspecta. Neque enim vox *tantidem* locum in altero versu poterit habere, nisi vocabulum aliquod præcedat, quod pretium denotet. Altera igitur vox videtur mutanda, aut *tantidem*, si *animo* retineas, aut *animo*, si *tantidem* legas. Quin imò non temerè Villiomarus, nisi ex lacero illo Varronis fragmento i-verit probatum, talem fuisse medicinam Serapidis, cum constet, longè aliam eam fuisse, qualem nempe descripsimus. Quod si igitur in libera Republ. sententiam liberè dicere licet, mihi magis arripet *εὐσουλία* Turnebi, reponentis *nummo*, & credo versus illos ab avaro sacerdote & impostore esse Serapidis templo inscriptos, qui nummos DEI nomine poposcerit, & ne hoc

ne hoc modo homines absterrentur, sibi que lucris spes decollaret, adjecerit, Aristotelem non minori pretio eurate. Oblatos enim nummos dijs ab ijs, qui convaluerant, discimus ex *Luciano* in *Philospeude*, ubi de statuâ *Pelichij*: πολλοὶ ἐκεῖνα δόλοισι πρὸς τοῖν ποδοῖν αὐτοῦ, καὶ ἄλλα νομισματὰ ἐνία ἀργυρῶν πρὸς τὸν μηρὸν, κηρῶ κεκολλημένα, καὶ πύματα ἐξ ἀργύρου, εὐχαί τινος, ἢ μισθὸς ἐπὶ τῇ ἰατρῇ, ὅπῃσι δὲ αὐτὸν ἐπαύσαιτο πυρετῶν ἐχόμενοι. Neque hoc indignum *Serapide* videri cuiquam debet, cum, si suspicioni *Turnebi* l. 9. adv. c. 24, credere licet, per pagos *Serapidis* effigiem circumtulerint avari sacerdotes ad colligendam stipem, *Aristotelem* autem hic poni existimo κατ' ἐξοχὴν pro quolibet, qui medicinam faciat: quæ figura non infrequens est, ἰατρὸν δαίμα, qui in aliqua arte excellit, ponere pro omnibus ejusdem studiosis. Medicinæ verò initiatum fuisse *Aristotelem*, ex scriptis ejus colligere est inproclivi: fecisse autem medicinam, conjicere fortasse quis non incommode possit ex *Aeliano* Var. lib. 9. c. 22, qui πολλοῖσιν περὶ τὴν αἰσθητικὴν habuisse scribit. Aut vero provocce *Aristoteles* alia fuerit reponenda illi, qui hæc non admiserit. Vel potius alius aliquis *Aristoteles*, medendi facultate illa tempestate illoque loco felix & magnæ famæ, etsi homo ignotus, fuerit intelligendus. Quemadmodum apud *Juvenalem* *Themisonis* & *Archigenis* medicorum nomina, apud alios aliorum occurrunt. Nisi ut conjicit *Ampl. DN. Prasex*, malis legere in versu priore *animos*, & secundo pro tantidem *hospitem* & in *Aristotelis* philosophorum principis & maximi proinde animorum medici laudem omnia accipere. An porro & illa *Varroni* adscripta sic legenda? *Ego medicina Serapis utor, quotidie precatur: intelligo enim* &c. *Aristoteles* vero in *Acroamaticis* quotidianarum ad *Deos* precum auctor esse non potuit: ut frustra ad illum περὶ εὐχῆς librum respo-

xerit Villiomarus ille personatus, sive Iosephus Scaliger. Nostræ tales sunt ad hunc difficilem locum post Victorios, Turnebos, Scaligeros, Hofmannos (at quantos viros!) symbola.

Qui melius conjexit, vatem perhibebo optimum.

XXI. Sed nunc ad Æsculapij fanum pergo ἱεροῖσι, nostra famosissimum. Uti enim ille ubique gentium cultus, teste *Apulejo* de deo Socratis, ita præterea præses medicinæ fuit, (Vide *Plutarch.* sympos. l. iix n. 14.) adeoque in ejus fano incubationes plurimæ peractæ. Fuisse vero id apud Ægyptios quoque eo in usu, fidem facit dialogus, qui sub nomine *Asclepij* circumfertur, & *Apuleio* tribuitur. Vbi *Hermes* juniorem *Asclepium* ita affatur. p. m. 491. *Avus tuus, ô Asclepi, medicina primus inventor, cui templum consecratum est in monte Lybia circa litus crocodilorum, in quo ejus jacet mundanus homo, id est, corpus. Reliquus enim (vel potius totus; si est homo totus in sensu vita melior) remeavit in cælum: omnia etiamnum adjumenta hominibus præstans infirmis auxilio suo, qua ante solebat medicina arte præbere.*

XXII. Fuit verò non in Ægypto solum, sed & alibi celebratum satis templum istud. *Plautus* in *Curcul.* act. 1. sc. 1. v. 61.

— — — *hic leno agrotus incubat*

In *Æsculapij* fano. Confer *Comædiæ* ejusdem act. 2. sc. 1. & 2. *Philostratus* de vita *Apollon. Thyanci* lib. 1. ὁ δὲ θεὸς ἄρα ἔχιστο, καὶ μέθῃ χαίρειν ἀνχμῶ ἡμελεῖ. ἡμελεῖτο δὲ ὑπὸ τῷ Ἀσκληπιῷ διαλαῦτα, καὶ ἐδὲ ὄναρ ἀντὶ ἱεροῦ. Vide *Eusebium* 1. contra *Hieroclem.* *Cicer.* l. 2. de *divinat.* *Sueton.* in *Clau-*
dioc. 24.

XXIII. In insula *Co* tale fuisse fanum, testis est *Stra-*
bo lib. 14. p. 4. 2. ἐν δὲ τῷ μεγαστίῳ τῷ Ἀσκληπιεῖον θεῖ σφίδρα ἐνδο-

Ζον καὶ πολλῶν ἀναθημάτων μετὲν ἱερῶν. quam totam insulam
Æsculapio dicatam fuisse *Plinius* lib. 19. cap. 1. & *Dion.* lib.
51. attestantur. Athenis similiter medicinæ gratiā con-
sultum Æsculapium, discimus ex *Suidā* in v. Δομῖνος, cuius
verba suo loco dabimus. In Epidauro fuisse; fidem facit
cum *Iamblichus* in lib. de mysterijs, tūm *Strabo* lib. ix. p.
285. ubi & de Tricca Bzotia idem refert. Romæ in hunc
finem cultum testantur tabellæ in ejus templo in insula
Tiberina inventæ, quas deinde producemus.

XXIV. Habuit vero in Pergamo quoque templum
satis celebre hoc nomine Æsculapius noster. Discimus
id ex *Herodiano* l. 4. cap. 8. ubi ita de Imp. Antonino Ca-
racalla ἡπίχθη, inquit, εἰς Πέργαμον τῆς Ἀσίας, χρήσασθαι βα-
λόμενος τῇ Ἀσκληπιῇ. ΑΦικόμενος δὲ ἐκεῖ, καὶ εἰς ἵσον ἤνδα, τῶν
ἐνιοφῶτων ἐμφορηθεὶς ἦκεν εἰς Ἴλον. Pergamum adijt Asia civita-
tem, ut Æsculapij curationibus uteretur. Quo postquam perve-
nit, somniis, quam diu voluit, captatis, Ilium mox petijt. Me-
minit & *Lucianus* in Icaromenippo p. 706. Et hinc expli-
co locum *Galenī* in vi. Epidem. comm. 4. sect. 8. ubi DEI
meminit, per quem Æsculapium intelligendum esse, sa-
tis nunc constat. Docet autem inibi ad medicinam dextrè
faciendam, ægroti quoque requiri obedientiam, quam
tamen sæpe medicus impetrare nequeat. Ita sanè, inquit,
ὅτι ἀπὸδ nos Πέργαμι, ἀ DEO sanatos εἰ obsequentes cernimus,
illis plerumque, ut per quindecim integros dies ἀ ποτὶ abstinerent,
imperanti: qui profecto nulli medico id jubenti obtemperassent.

XXV. In Hephæstio sive Vulcani æde circa Mem-
phim factas incubationes, per fit vero simile legenti *Gale-
num* nostrum. Apud eum enim l. 5. de med. sec. gen. c. 2. He-
ras Cappadox medicamenta quædam, tanquam ex illâ æde
acceptâ, recitat. Unde illud concludo, incubationes illas
medicinæ ergo potissimum quidem in præsidium medicinæ

fanis factas, promiscuum tamen illud fuisse, & in aliorum quoq; deorum templis salubres monitus per quietem expectasse: uti de Priapi quoq; fano constat ex *Petronio*. Pelichi ducis Corinthi statua, unde similiter remedia expectata, meminit *Lucianus* in Philpocude: Ἐγὼ δὲ, ὁ Εὐκράτης ἔφη, ἐκεῖνα ἐχρῆσθαι, ὅποτε μὲν ἰάσυντο διὰ τῆς ἑσπέρης ἡμέρας ἀπολύμενον. Et mox p. 397. πολλοὶ ἐκεῖνο ὀβολοὶ πρὸς τὸν ποδοῖν αὐτοῦ καὶ ἄλλα νομίσματα ἔνια ἀργυρᾶ πρὸς τὸν μηρὸν, κηρὶ κεκολλημένα καὶ πέταλα ἐξ ἀργύρου εὐχαίῃσι, ἢ μισθὸς δῆλ' ἡ ἰάσει, ὅποτε δὲ αὐτὸν ἐπαύσαντο πυρετῶ ἐχόμενοι. Quin imò videtur hoc omnium oraculorum quasi proprium fuisse, ut ægrotis consulentibus remedia morborum præscriberent. Vnde & famosus ille impostor Alexander, ut novi sui Æsculapij oraculum redderet celebre, pharmaca quædam efficacia, quæ norat, consulentibus ex oraculo commendabat, uti videre est apud *Lucian.* in Alexandro sive Pseudomant. loco non uno p. 331. 375.

XXVI. Sicuti autem hic mos ἔτε χθές, ἔτε πρῶτην cœpit, ita etiam non facile, inveterata jam consuetudine, potuit interire. Nam & *Plinij* tempore hoc est circa finem seculi i. viguisse jam tum audivimus: & ad Antoninorum quoque tempora pervenit. Meminit deinde *Arnobius* lib. i. contragent. meminit *Prudentius* in Hamartigenia v. 254, ut quæ ad suum usque tempus duraverit. Seculo vero quinto etiam Athenis in usu fuisse discimus ex *Suida* in voce Δομνῖνος. Is enim Syriani Alexandrini discipulus & Procli συμφορητῆς fuit, floruitque circa finem seculi quinti & initium sequentis. Post illa tempora desisse hic ritus possit videri: mihi sane hac de re nil lectum est.

XXVII. Superiori tamen seculo adhuc in Italiâ durasse fidem facit *Georg. Fabricius* commentario ad Poë-

ras Christianos, aitque, se Patavij vidisse adolescentes & puellas rusticanas in coenobio D. Antonij certa nocte incubare. Nec mirum, in hoc eos imitatos fuisse gentiles: siquidem sanctorum apud pontificios post ἀποθνήσκον cultus illi paganorum demonolatriæ tam geminus germanus est, ut nec ovum ovo, nec lac lacti similius esse ferè possit.

XXIX. Id verò notandum est, non semper ægros ipsos incubuisse, sed alios quoque eorum vicem. Colligere id est ex verbis *Sirabonis* de Canopico Serapidis templo jam tum supra (th. 18.) allatis, ubi dicit, viros ἐνδοξα μολάσθαι incubare, *vel pro se, vel pro aliis* ὑπὲρ ἑαυτῶν ἢ ἑτέρων.

XXIX. Non omnes autem voti sui damnatos de remedio morbi indicium cepisse, sed quosdam ex fanis illis æquè incertos & ægros exiisse colligo ex *Plant. Curcul. act. 2. sc. 1.*

Migrare certum est jam nunc è sano foras,

Quando AEsculap. ita sentio sententiam,

Ut qui me nihili faciat, nec saluum velit.

Vide quæ supra th. 21. ex *Philostrato* recitavimus.

XXX. Interdum quoque remedia in somno fuerunt monstrata, absque incubatione in loco sacro facta. Ita Alexander. M. per somnum in ore draconis salutarem radicem perspexit, qua vulnus Ptolemæo, amico ipsius intimæ admissionis, à vipera illatum potuit sanari. Referunt historiam *Cicero* 1. de divinât. *Diodorus Siculus* lib. 17. c. 103. *Justin.* l. 12. c. 10. *Curr.* l. 9. c. 8. Et est vetus sive historia, sive fabula, de puella Milto, quæ dein Aspasia nomine meretricis illius Milesiæ dicta est, apud *Ælium Var.* hist. l. 12. c. 1. Cum enim laboraret teterrimo menti tumore, in somnis à columba, in mulierem mutatâ, monita est

ea est, ut rosea fecta Veneris jam arefacta caperet, contra-
taque imponeret tuberi: quæ mandata cum executâ fuis-
set, & molestum tumorem depulit, & sibi maximam venu-
statem conciliavit.

XXXI. Solebant autem porro illi, qui remedijs in
somnia monstratis ad sanitatem pervenerant, in signum
gratitudinis tabellulas aliave donaria, in fano dei alicujus
quem imploraverant, suspendere, addita mentione tum
morbi, tum remedijs, quo morbus expugnatus esset.

XXXIII. Qui ritus alias quoque in usu fuit, ut illi
qui ex ingenti aliquo periculo evasisent, in DEI alicujus
fano tabellam ipsius periculi indicem, suspenderent. Ita
naufragi, cum maris iram effugissent, in tabella quadam
errores suos curabant depingi, eamque circumferentes,
ut facilius ipsius periculi imagine misericordiam cicerent,
stipem corrogabant. Testis mihi *Horat.* de art. Poët. v.
20. -- *quid hoc, si fractis enatat ex spes*

Navibus, are dato qui pingitur? Et post eum *Pers.* Sat. I.

Men moveat quippe, & cantet sinanfragus, assem

Protulerim? cantas, cum fracta te in traba pictum

Ex humero portes Et *Juvenal.* Sat. 13.

— — — *mersa rate naufragus assem*
Dum rogat, & picta se tempestate tuctur. Vide *Lucianum*
de mercede conductis ab init. p. m. 203. Has deinde tabel-
las una cum alijs donis, quæ periclitantes voverant, in
templo DEI suspendebant. Docent hoc authores exi-
mij. Apud *Cicer.* 3. de nat. deor. *Diagoram* atheum ami-
cus quidam ita alloquitur: *Tu qui Deos putas humana negligere,*
nonne animadvertis ex tot tabellis pictis, quam multi voti
vim tempestatis effugerint, in portumque salvi pervenerint? Ita
fit, inquit (*Diagoras*) *illi enim nusquam picti sunt, qui naufragi-*
um fecerunt. *Virg.* XII. *Æneid.* v. 766.

Forse.

*Fortis sacer Fauno foliis oleaster amaris
Hic steteras, nautis olim venerabile lignum.
Servati ex undis ubi figere dona solebant
Laurenti Divo, & votas suspendere vestes.*
Horat. l. i. od. 5. *me tabula sacer*

*Votiva paries indicat, invida
Suspendisse potenti
Vestimenta maris DEO: quibus paria habet Juvén.
Sat. 12. v. 26. — votivâ testantur sana tabella
Plurima.*

XXXIII. Nec de naufragis id tantum constat, sed
de alijs quoque magno periculo, ut diximus, defunctis.
Ita cum Mario ad Maricæ templum insperata salus efful-
sisset, πίνακα τῶν περὶ ἑσῶν ἐκείνων χειρᾶμενος ἀνέθηκεν εἰς τὸ ἱερόν:
verba sunt *Plutarchi*.

XXXIV. Quin imo, simulac oraculum aliquod,
qualecunque illud fuisset, accepissent, solebant illico ij,
qui peritum venerant, annotare, ne memoriâ, labili ali-
as, quædam exciderent. Auctor mihi *Scholiasfes Sophoclis*
in *Trachinijs*. ἔθος γὰρ τῆς χειρὸς μὲν δεχομένων ὡς ἀρχήμα χει-
ραίν, ἵνα μὴ λάθωνται.

XXXV. Ad eundem igitur modum etiam illos,
qui convaluerant, tabellas suspendisse est certissimum,
sed nunc pluribus debet probari. Adduximus vero jam
tum verba *Tibulli* ad *Isidem*:

Nunc DEA, nunc succurre mihi, nam posse mederi

Multa docet templis picta tabella tuis.

Hucque digitorum inrendere videtur *Strabo* lib. 17, ubi de
Serapidis fano hæc addit: συγχεῖται δὲ ἡνὶς τὰς θεογονίας:
Expresse autem lib. iix, ubi de *Epidauro* agit p. 258. αὐτὴ δὲ
ἐστὶ ἀσμος ἡ πόλις, καὶ μάλιστα διὰ τὴν ἐπιφάνειαν Ἀσκληπιῆος θεο-

παύειν νόσους πανταδοπὰς πιπιτυμένας, καὶ τὸ ἰσθὲν πλήρες αἰὲ τῶν
καμνόντων καὶ τῶν ἀνακειμένων πινάκων, ἐν οἷς ἀναγεγραμμένα τῶν
χάρισιν αἱ ἰατρικαὶ, καθύπερθε ἐν κῶπῃ καὶ Τρίκλῃ. Confer Eund.
lib. 14. p. 452, quæ verba mox dabimus, & Plinium impri-
mis lib. 29. c. 1.

XXXVI. Quales vero fuerint tabellæ, conjiçere
est in proclivi ex quatuor illis inscriptionibus tabulæ mar-
moreæ inventis Romæ in Insula Tiberina in templo Æ-
sculapij, quod olim incubatione illa famosum, dein S.
Joanni Colevitæ consecratum, ut testatur Georg. Fabricius
in Româ. p. 94. Conservavit autem eas nobis ὁ χαρίσιμος
Hieronymus *Mercurialis*, de litteris incertum an arte Me-
dica melius meritis, art. gymnast. lib. 1. c. 1. Et merentur
hic quoque legi, saltem Latine:

- I. *Hisce diebus Cajo cuidam caco oraculum reddidit, veniret
ad sacrum altare, deinde à parte dextera veniret ad la-
vam, & poneret quinque digitos super altare, & elevaret
manum & poneret super proprios oculos: & rectè vidit
populo prasente & gratulante, quod grandia miracula fie-
rent sub Imperatore nostro Antonino.*
- II. *Lucio affecto lateris dolore, & desperato à cunctis homini-
bus oraculum reddidit Deus, veniret & ex ara tolleret ci-
nerem, & una cum vino commisceret, & poneret supra la-
tus: & convaluit, & publice gratias egit Deo: & populus
congratulatus est illi.*
- III. *Sanguinem revomenti Juliano, desperato ab omnibus homi-
nibus, ex oraculo respondit Deus, veniret, & ex arâ caperet
nucleos pini, & comederet unâ cum melle per tres dies: &
convaluit, & vivens publicè gratias egit prasente populo.*
- IV. *Valerio Apro, militi caco, oraculum reddidit Deus, ve-
nires & acciperet sanguinem ex gallo albo, admiscens mel,
& col-*

& collyrium conficeret, & tribus diebus uteretur supra oculos: & vidit, & venit, & publice gratias egit Deo.

XXVII. Huc usque marmoris illius inscriptiones, quas integras recitare volui, ut dein melius iudicium de ijs ferri possit. Sed tamen nec omnes inscriptiones tali modo sese habuisse, nonnullas, omissa omni & curationis & morbi mentione, tantum *ἐν ὀφθαλμοῖς ἐνέξα* conceptas, jubet nos credere vel illa inscriptio, quæ Regij extat ad quatuor columnas, ubi Æsculapij olim fanum. Inscriptio ita habet, quam pluribus explicat *Eryc. Puteanus* Epist. ad Septalium:

DEO ÆSCVLAPIO VAL. SYMPHO
RVS ET PROTIS SIGNUM SOMNI
ÆREUM TORQVEM AUREUM EX
DRACUMCULIS DVOBUS Pf. 7. ∴∴
ENCHIRIDIUM ARGENT. P. ∴∴ L. A
NABOLIVM OB INSIGNEM CIRCA
SE NVMINIS EJVS EFFECTVM V. S.
L. M.

Sicut alias in tabellis titulum solebant adjicere in indicium, quis suspendisset, & cur. *Ovid. l. 2. Amor. el. 13. ubi pro Corinna pręgnante vota facit:*

Adjiciam titulum: Servata Naso Corinna. Et Metam l. 9. in fin. — — — dant munera templis,

Addunt & titulum, titulus breve carmen habebat Statius. l. 5. sylv. 2. v. 246.

Belligeris hac dona diis, hac tela dicavit:

Cernis adhuc titulum. Quod & suo tempore in tota Italiâ durasse scribit Georg. Fabric. in Româ p. 160. Et adhuc ijs in locis, ubi pontificijs superstitionibus inescari degunt homines, præcipue in Italiâ, moris esse novimus, ut à morbis alijsve malis liberati pictas tabellas in San-

torum adibus suspendant, adjecto brevi titulo qualis hic: PER GRAZIA RICEVUTA. Quasdam igitur tabellas in honorem tantum numinis gratique animi indicinam ab ægris sanitati restitutis suspensas fuisse iudico: quasdam vero, adjuncta historia tum morbi tum remedium, quas postremas nunc ulterius examinabimus.

XXXIIX. Non possumus autem negare, nonnunquam significata ægris per somnum remedia virtute naturali morbis medentia. Id enim sentiendum videtur de herba Aristolochia, de Cynorrhodo, similibusque. Et vero (ceu monuit jam Amplissimus Præses Hermeticæ Medicinæ cap. xi. p. 116.) talia sunt, quæ recenset Heras Capadox. apud *Galen.* lib. 5. de medic. sec. gen. c. 2. accepta ex æde Vulcani circa Memphim. Quin, ceu idem censet, omnia quæ Isidis voce olim audierunt, simili modo tradita. Meminit *Galenus* l. c. *Multiplicis usus est medicamentum, quod Isidem appellant &c.* Habenturque non in *Galeno* tantum; sed & apud *Celsum*, *Æginetam*, *Aetium*, alios. Et hoc valde confirmat pingue lutum Ægyptiacum, quod ad multos affectus ex oraculo fuit commendatum, valuit vero etiam absque oraculi monitu. Verba *Galen*i hæc de re sunt l. 9. de medic. simpl. facult. c. 3. *Vnde sanè & Alexandria & per Ægyptum aruntur multi sua utrique sponte & iudicio, multi vero etiam moniti somnis.* Et naturaliter quoque, etsi non omnibus morbis, potuit prodesse illa per quindecim dies imperata ab Æsculapio abstinencia à potu, de qua verba *Galen*i supra th. 23. jam tum recitavimus.

XXXIX. Etsi verò nonnunquam hoc ita contigerit, per tamen est vero simile, id quod asserit Ampliss. Præses Hermeticæ Medicinæ cap. sæpius laudato, plerumque ea tantum à dijs somniantibus indicata, quæ symboli fuerint loco; ut adco vis ipsa curandi non nisi dæmoni-
bus

bus accepta sit ferenda. Non aliter ac DEUS Opt. Max. ægotis medicinam facturum denunciavit aliquid, quod symboli duntaxat esset locus, id ipsum verò vel parum vel nihil potuit efficere, sed vera curatio à principio diviniõ-ri exorta est. Quod pluribus ostendi tum veteris tum novi fœderis locis possit, si id ipsum nunc ageremus. Sic massa illa ficum, quã Ezechiam Regem lethali-ter decumbentem Esaias sanavit (IV. Reg. 20. Jesa. 38. v. 21.) et si ficus habeant vim maturandi, non egit tamen id propria vi medicaminis sui, sed divinæ virtutis, cujus symbolum erat, facta accessione, utpote cum statim tertio die templum ascenderit, qui in limine mortis erat positus, id quod nequaquam præstare ficus sibi relicta potuissent. Neque remedium illud ex salivâ, quo hominem mutum & surdum Christus sanavit (ap. Marc. c. 9. v. 31. & Matt. c. 15.) per se id agere potuisset, si absque DEI digito fuisset. Sed de his viderint οἱ θεολόγοι παῖδες. ἐγὼ δὲ ἐφ' οἷς μὴ φεγῶ, σιγᾶν φιλῶ. Legatur tamen *Vallesius* lib. de sacr. Philosoph. cum alibi sparsim, tum imprimis c. 35. & 39.

XL. Ulti vero in plerisque omnibus execranda κακοζήλια deum imitari ἀλαστωρ ille perfidus solet: ita nullum mihi dubium est, quin in hoc quoque DEI opera al- ludere, vel potius illudere sit annisus. Si enim vel qua- tuor illas tabulas supra allaras consideremus, luce meri- diana clarius est, non nisi symboli loco remedia illa mor- bis curandis adhibita, vim ipsam suppeditantibus dæmo- nibus, ceu etiam loquitur I. C. Amplissimus Præses. Sane prima inscriptio, quanta quanta est, meris referta est su- perstitionibus, quæ per se nihil, apud credulum animum vix quicquam possunt. Cæteræ inscriptiones quæ affe- runt remedia, sunt nullius pretij, certè illis morbis tol- lendis ἀπεπληδεια. Quod si illa quoque superius allata consi-

consideremus, similes magno numero licet metiri nugas. Neque enim rosea ferta Veneris potuerunt tollere & mederi tuberi illi in facie Aspasie, non magis, quam illa sive liba, sive frondes ex DEI fano sublata, de quibus supra.

XLI. Præterea, si DEI alicujus monitu ad principum pedes ægroti accedere jussi sunt, ut Adriani & Vespasiani, ab iisque valetudinis expectare remedium, facile apparet, non fuisse eam, quæ per quietem indicata, veram medicinam, sed si quæ ejus vires, eas ulterius petendas. Rectè autem disputant Theologi, interque eos *Bellarminus* quoque lib. ult. de Eccles. cap. 14. diabolicis hæc ascribenda esse præstigijs: quod judicium de cæteris quoque *Χαρίσμαν* gentilibus attributis tulerim, quale est: quod de Pyrrho tradunt *Plutarchus* in ejus vita & *Plin.* l. 7. c. 2. pollice dextri pedis lienosis potuisse mederi. Licet enim hoc à quibusdam naturali hominum proprietati (uti est ex herbis & animalibus certis morbis medicina) ascribi sciam, ut à *Borello* cent. 2. obs. 90, revera tamen hoc absolum est, & nos potius hic Satanz fraudes homines seducuntis agnoscimus. Vide *Camerar.* cent. 3. medit. sub. c. 42.

XLII. Quod si historiam consulamus, nondum hac de re ita liquido videtur constare. Sanè, si quid conjecturis licet indulgere, Vespasiani illud magicæ arte factum per sit vero simile, & quidem opera magi famosissimi, Apollonij Thyanci. Fuit enim hic Vespasiano amicitia conjunctissimus, iisdemque, quibus hæc acta, diebus, Alexandria fuit, uti *Philostratus* in vita ipsius Thyanci docet. Quin imò dum hoc dæmon ex oraculo Serapidis denunciavit, ut *oris excremento* cæcum sanaret, omnino

omnino, sibi solitâ κακοζήλῳ, Christum imitari voluit, quem sputo medicinam fecisse in sacra historia legimus. Adriani verò factum simulatum tantum à ministris fuit, ut eum à desiderio mortis removerent.

XLIII. Nec fortassis temerè quis arcanum dominationis hîc latere suspicetur. Cum enim sciant principes, *majestatis imperij salutis esse tutelam*, ut Curtius, *magisq. famâ, quam visitare res suas*, ut Tacitus loquitur, id unice agunt, ut se pluris esse quam alios quosvis, populo persuadcant: regiumque fastigium divino esse proximum, & cognatam cælo imperatoriam majestatem: cui fini obtinendotalia miracula, ut ita loquar, forte in medium sparsa. Neque dissimulat Tacitus, etsi historiam veram credat, fecisse hoc Vespasianum, inducuntur vocibus adulantium, & ut cuncta fortunæ suæ patere ostenderet.

XLIV. In hac autem sententiâ vehementer me confirmat; quod Strabo (at quanti judicii historicus & geographus!) historiam illam de herba Alexandro M. in somnis monstrata, quam th. 29. pluribus testibus confirmavimus, simili de causa vocat indubium. Verba hæc sunt, & exstant lib. xv. p. 497. *Dicunt apud Oritas, lethiferis venenis sagittas præstas illini. Cumq. Ptolemaus saucius periclitaretur, ferunt quendam Alexandro in somno astitisse, atque ei radicem cum ramo ostendisse, quam contritam saucio imponi juberet: experrectum à somnore regem & visum memorem, quasitam radicem invenisse: barbaros, cum inventum remedium vidissent, se Alexandro dedisse.* Εἰκὸς δὲ ἵνα μνηύσαι τῶν εἰδότεων. τὸ δὲ μυσθῶδες περὶ τῆς, κολακείας χάριν. Hæc ille.

XLV. Qualia fuerint Imp. Antonini illa remedia, quæ contra sputum sanguinis & vertiginem accepisse se scribit: qualia item Caracallæ, quæ in Pergamo ab Æsculapio expiscatus, quoniam ipsi reticent, nobis quidem

conjicere non est in proclivi; nec fortassis operæ pretium
hiccirco laborare. Meliora enim fuisse, nunquam quis
nobis temere persuaserit.

XLVI. Dæmonis hoc tantum opus fuit, ut à vero
DEI cultu ad superstitiones homines seduceret: nec pro-
inde mirum si corpori infirmo interdum subvenit, ut eo
liberius in animam deinde & corpus grassari possit. Hoc
enim ipsi familiare; neque ab illo fraudum architecto alia
expectanda sunt remedia, quam quæ morbis ipsis gravio-
ra. Ita cum pestilentia Romæ mederetur, fecit id institu-
tioneludorum scenicorum, ut, hac obseznitate publice
introducenda, plures lucrari posset animas. Vide *Augustini*
de Civ. DEI. lib. 1. cap. 32. *Cyprian.* serm. 2. de zelo & livor.
p. m. 190. quo & illud pertinet, quod in *Petroniana* fabulâ
in remedium Tertianæ illicitus Veneris usus commenda-
tur à Priapo.

XLVII. Huic confirmando facit imprimis lepida
illa historia quam reperire est in *Centone Suida* in v. do-
quitos, quam proinde integram recitabo, ut videre liceat
fraudes dæmonis. & quam nulla vi naturali prædita fue-
rint illa remedia. *Æsculapius Athenis eandem medicinam*
prescripserat ex oraculo, cum Plutarcho Atheniensi, cum Domino
Syro: huic quidam sanguinem expuente, illi vero, nescio quo mor-
bo laboranti. Medicina autem erat, impleri carne porcina. Et
Plutarchus quidem ab illâ medicinâ non abhorruit, ut pote, quæ nec
contra leges ipsius patrias esset. Surgens autem à somno, expansit
in lectulo ulnis, & respiciens ad imaginem Æsculapij: ô domi-
ne, inquit, quid verò precepisses. Judæo eodem morbo laboranti?
neque enim illi hanc potuisses prescribere medicinam, ut carne
se suffarcinaret porcina. Hac cum dixisset, Æsculapius re-
videns, aliam statim prescripsit affectui ejus medicinam. Domini-
mus vero non secutus exemplum Plutarchi, neglectoque more Sy-

vis patrio, & tunc & semper carnes illas comedit. Dicunt autem si per diem carnem illam non gustasset, morbo illo implicitum, usque dum porcina carne sese iterum saburraret. Hic jam cuivis cordato sive medico, sive cuivis alteri liberum facio iudicium, æstimandi & medicinam hanc, & præstigias Sata-næ, adeoque, an ex hac medicina quicquam in artem nostram possit redundare magni commodi?

XLIX. Quin etiam interdum, de eventu tantum morbi sui sollicitos oraculum DEI consuluisse (quod in sacris Ahasiam fecisse legimus 2. Regum c. 1.) discimus ex *Artemidoro Daldiano* l. 5. oncir. c. 92. τοσῶντις ἐνζαῶ τοῦ Σεράπιδι, εἰ μελλείσω θήπεθαι τὴν δεξιὰν αὐτοῦ χεῖρα ὥστε θηποῖσθαι, εἰ δὲ μὴ, ἀριστερά. Quidam agrotus rogavit Serapidem, ut si convalesceret, dextram manum in somnis ipsi concuteret, sin minus, sinistram. Quid verò hinc discere licebit Medico?

XLIX. Sane omnis hæc medicina vel nihil vel parum nos juvat: ad tamen discimus, quomodo præstigijs suis fascinare dæmon potuerit miseros mortales. Et tamen in ipsis illis gentilibus fuerunt prudentiores quidam, quibus hæc fraudes merito suo suspectæ. Elegantia Ciceronis hac de re verba extant 2. de divinat: Quid conventis agros à conjectore somniorum potius, quàm à Medico petere medicinam? An Aesculapius an Serapis potest præscribere per somnium curationem valetudinis? Et falsè satis more suo, eos irridet, qui his imposturis credulas mentes præbent, *Lucianus in Philopseude*. Adeoque non tam objurgandi prisca pagani, quam castigandi illi, si qui in Christiano orbe, post renatam coelestis verbi doctrinam impias illas nugas sequuntur. τοφλὸν δ' ἔχει ἡτορ ὁμιλος ἀνδρῶν ὀπλῆϊτος.

L. His ita propositis vix quicquam videtur superesse, quod allatum huic materiæ lucem possit foenerari. Sed retrahit nos meritò fama Hippocratis, quam apud

omnes doctos, imprimis medicos, sibi peperit immortalem. Dum enim malevolorum quorundam narrationibus malefidis, quos alij magno numero, tanquam bruta pecora, sequuntur, in suspensionem incensi Æsculapij templi devenit, nostrum omnino fuerit veritatem asserere, & ἀστέρα βιοφελεσμένης ἰατρικῆς, uti *Suidas* eam vocat, vindicare à calumnijs. Non, quod sanctum illud famæ destinatum nomen tangi hâc calumnia existimem: sed, quia non crimine tantum, verum suspitione quoque criminis carere debet Medicinæ nostræ parens. nam

— — paulum differre videtur

Suspectus, verèq; reus.

LI. Videtur verò hoc fatum commune habuisse Hippocrates noster cum altero illo, veræ Philosophiæ parente, *Aristotele*, cui jam dudum objectum, quod ævi scriptorum illustrium libros è medio sustulerit, destructioneq; alieni nominis ad suam gloriam fuerit grassatus. Quos calumniatores ita dudum exceperunt Viri doctissimi, ut *Aristotelis* & pietati & eruditioni suus jam constet honor.

LII. De Hippocrate vero nostro primus, quod sciam, illud annotavit, Geographorum aliàs facile princeps *Strabo*. l. xv. p. 452. ubi loquitur de æde Æsculapij in Co: verba ita habent, Φασι δ' Ἱπποκράτην μάλιστα ἐκ τῶν ἀεικμένων ἰατρικῶν ἐνταῦθα γυμνάσασθαι τὰ πρὸς τὰς διαίτας. Post hunc *Plinius*, qui *Varronem* insuper auctorem laudat, ex Hippocrate *Herostratum* quendam nobis efformare nititur. Verba ipsa l. 26. c. 1. merentur expendi. Eam (medicinam) revocavit in lucem Hippocrates genitus in insula Co, imprimis clarâ, atq; valida & Æsculapio dicata. Is, cum fuisset mos liberatos morbis scribere in templo ejus DEI, quid auxiliatum esset, ut postea similitudo proficeret, exscripsisse ea traditur.

aiqua

atque (ut Varro apud nos credit) jam templo cremato instituisse
medicinam hanc, quæ clinicè vocatur. cui errori subscripsisse
etiam Virum longè doctissimum *Joh. Langium* lib. i. Epist.
Medic. si vehementer miror: Sanè nimis hic indulgisse
auctoritati probatorum aliàs scriptorum, clarius est, quàm
equidem velim.

LII. Postulamus autem humanitatis jure, ut non
prius Hippocratem nostrum damnent, quàm universa
cogoverint: & quod omnibus maleficis indulgetur, hoc
divino nostro seni concedant, ne indictâ causâ conde-
mnetur. Sane jam ipse *Strabo* videtur hac de re dubi-
tasse, quod vocula *Φασι* nos monet, quàm non temere
scriptor ille, qua est prudentiâ, nisi de rumore incerto so-
let usurpare: quo & *Plinij* illa: *traditur, Varro credit*, nisi
me omnia fallunt, collimant.

LIV. Quicquid vero de hoc sit, cum *Strabone* qui-
dem facile transegerimus. Id enim utique ex hæcenus
dictis indubitata veritatis est, quod & ab Amplissimo Præ-
sidente est animadversum l. de Hermet. Medicina cap. xi. pag.
117. parum vel potius nihil illa remedia, quæ incubanti-
bus ægrotis revelarunt, potuisse juvare Hippocratem.
Cum enim pleraque illa naturali vi medendi destituam-
tur, quid illa subnotata, si ve templo incenso, surrepta,
in artis exercitio potuerunt juvare Hippocratem. Pater
hoc cuivis tabellas illas inspicienti, quas proposuimus:
ceteras enim aliam habuisse formam, ut credamus nudè
asserenti, *Αίαν μὲν αὖτις αἰνῆα* est.

LV. Quod si Hippocrates noster ea medicamenta,
quæ vim medendi naturalem habuerunt, sublegisset, cur
eid vitio verteremus, quod alijs ducitur laudi? Ita enim
cum medicinâ nostrâ, quæ circa simplicium medicamen-
torum facultates versatur, comparatum est, ut maxi-

nam partem experiētiā addiscatur. Est autem ea vel propria vel aliena. Et prior quidem alterius sæpe numero opem poscit, cum, ut unus omnia experiatur, *ἐν σὺν τῷ αἰδυνάταιν*. Has igitur facultates à quibusvis extra medicam artem constitutis, à vulgo etiam (prudentiæ tamen elementum est, *μνήμησιν ἀπείρην*) sæpe discimus: & Hippocratem nostrum à DEO tale quid didicisse, erit gloriæ & doctrinæ ipsius fraudi?

LVI. Quanquam nec is est Hippocrates noster, quem sola *ιατρικῆς ὕλης* peritia orbi erudito commendaverit: quippe, quæ laudis illius pars minima, quod isti fabulæ etiam recte objicit Amplissimus Præses. Et ex omnibus Hippocraticis libris, quæ eo spectant, non nisi sparsim quædam licet colligere, plurima autem (quæ ipsa tamen pauca sunt) ex *libro de aëre aquis & locis*. Longe alia sunt, quæ in illo viro tot secula admirata, & posteritas mirabitur. Utinamque superessent illa scripta senis nostri, quæ vel in curiâ majorum, vel injuria temporum perijisse semper ars medica queretur & dolebit! Nisi forte illos quoque, non ab humano conceptos ingenio, sed cælo lapsos aphorismos ex illo Æsculapij fano profluxisse quis credat, id quod mimi potius risum, quam dignam confutationem meretur.

LVII. Quod si igitur Hippocrates minimum tantum suæ eruditionis (& id minimum ferè nihil est) potuit accipere ex illo fano, quis sive *Plinio*, sive *Varroni* asserenti credat, idcirco ab illo succensum? Capitali potius ingenio & summo labore, cui non parum contulit, quod ex Asclepiadarum esset familia, ad eam accessit gloriam, qua sibi aliorum comparavit invidiam, tantum abest, ut ipse alijs inscriptiones illas fani Æsculapij inviderit. Nullus enim bonus gloriæ cum jacturâ alterius studiosus.

Hippo.

Hippocratem verò virum honestum, bonumq; fuisse: non honoris
aut glorie sed veritatis amatorem scribit Galenus lib. de atra-
bile. c. 7. Cujus testimonio libentes accedimus; & unum
hoc, instat omnium, merito veneramus.

Et hæc quidem de veterum incubatione in templis,

proque gloria divini senis dixisse

suffecerit.

MELIORA MELIORES!

COROLLARIA.

- I. *Ἀρχατὸς non est Principis Medicus, ὡς τὸ ἀρχὸς ἰατρὸς,*
ut volunt Cujacius, Casaubonus, alij; sed princeps, si-
ve primus Medicorum, ὡς ἄρχων ἰατρῶν.
- II. *Archiatři habuerunt Jurisdictionem quandam, ut recte*
contra Cagnatum probat Hofmannus.
- III. *Parabolanorum, quorum mentio fit li 18. C. de Episc. &*
Cler. etymon, quod affert Tiraquellus, tanta fama ICSO
& Philologo indignum est.
- IV. *Περὶ οὐλαί, quorum mentio fit l. 6. §. 1. D. de Excusat.*
sunt Medici, qui, dum medicinam faciunt, urbem circum-
eunt, ut recte notat Cl. Cujacius.
- V. *Aristotelis liber de Spiritu non est γνῶσις.*
- VI. *Sectio XXX. Probl. Aristotelis videtur ex officina Theo-*
phraستي produsse.
- VII. *Ejusdem historia animalium omnino videtur esse οὐκ Ἀcro-*
maticum, contra, quam putavit Hoffmannus.
- VIII. *Orpheus ille, qui sub Ciceronis nomine prodijt, ante annos*
sedecim, ὡς Βοδινῆος videtur.
- IX. *Qui frigus urere dicit; & classicis scriptoribus; & rei ipsi*
loquitur convenienter.
- X. *Plinij illud lib. XI. c. 51. Qui celerius fari capere, tardius*
incipiunt ingredi, experientia consentaneum est; & suam
habet rationem.
- XI. *Μη-*

- XI. *Manucodiatas carere pedibus, hodie γελοῖον ἐστ.*
 XII. *Imminentes tempestates campanarum pulsu velle depellere, superstitiosum est.*
 XIII. *Fulmen à solâ mediæ aëris regionis frigiditate non pellitur deorsum.*
 XIV. *Mare non est altius terrâ.*
 XV. *Quod Aristoteles Leonem esse λεῶνα scribit, non nisi ex parte verum est.*
 XVI. *Vermes, quorum mentio fit Num. 21. v. 6. Sapient. 16. v. 5. 1. Cor. 10. v. 9. cum dracunculis, India, Aegypti & Aethiopia populis olim & adhuc endemys, male confundit Licetus.*
 XVII. *Qui plantis sexum assignunt, superstitiosi sunt.*
 XIX. *Vermes in corde gigni posse, & quandoq. genitos, non videtur temerè admittendum.*
 XX. *Salvatella scētia in lienis affectibus nil praestat singulare.*
 XXI. *Doctrina Paracelsica de tribus corporum principis vana & inanis est.*
 XXII. *In Corporibus naturalibus reperiri spiritus, qui sint proximum formarum substantialium subiectum, ineptum est & verisimilitudine carens commentum.*
 XXIII. *Vana est Paracelsica scholæ opinio de generatione rerum ex Illiastro aut Cagastro, etsi quodammodo conveniat cum doctrina Alberti Magni & aliorum Scholasticorum de origine formarum ex materia.*
 XXIV. *Medicamentorum Chemica preparatio non semper preferenda est alteri usitati.*
 XXV. *Morbos omnes fieri ab archeo quodam, somnium est Paracelsicum.*
 XXVI. *Non reperitur, nec potest confici unum aliquod omnium morborum remedium.*
 XXVII. *Inter Chemicæ preparata remedia omnium optima sunt spiritus & olea vegetabilium.*